



МОНГОЛ УЛСЫН ИХ ХУРЛЫН  
БАЙНГЫН ХОРООНЫ  
ТОГТООЛ

2014 оны 12 сарын 17 өдөр

Дугаар 09

Улаанбаатар хот

Засгийн газарт чиглэл өгөх тухай

Монгол Улсын Их Хурлын тухай хуулийн 19 дүгээр зүйлийн 19.2.4, 21 дүгээр зүйлийн 21.5 дахь хэсэгт заасныг үндэслэн Өргөдлийн байнгын хорооноос ТОГТООХ нь:

Нэг Монгол Улсын зарим хууль тогтоомжийн хэрэгжилтийг хангах хүрээнд дараах арга хэмжээг шуурхай авч хэрэгжүүлэхийг Монгол Улсын Засгийн газар /Ч.Сайханбилэг/-т чиглэл болгосугай:

1.1. Газрыг орон нутгийн тусгай хэрэгцээнд авах тухай аймгийн нутгийн удирдах байгууллагуудын хуульд нийцээгүй 1738 шийдвэрийг хуульд нийцүүлэх арга хэмжээг авах, энэ хугацаанд тухайн шийдвэрүүдэд дурдсан газруудад ашигт малтмалын тусгай зөвшөөрөл олгохыг түдгэлзүүлэх;

1.2. Газрыг улсын болон орон нутгийн тусгай хамгаалалтад авах тухай шийдвэр гаргахад газрын байршил, хил, заагийг зөв тогтоох, хамгаалалтын шаардлага хангахуйц хэмжээтэй байх талаар мэргэжлийн аргачлал, зөвлөмжөөр хангах;

1.3. Ашигт малтмалын хайгуулын болон ашиглалтын тусгай зөвшөөрөл эзэмшигчдийн үйл ажиллагаанд улсын хэмжээнд хяналт шалгалтыг хийж, хууль тогтоомжийн хэрэгжилтийг хангуулах арга хэмжээ авах;

1.4. Улсын Их Хурлын Өргөдлийн байнгын хороонд ирсэн иргэдийн өргөдлийн дагуу хийсэн хяналт шалгалтын дүнг үндэслэн дараах арга хэмжээ авах:

1.4.1. Дорноговь аймгийн Айраг сумын нутагт байрлах Цагаан дэлийн агуйг орон нутгийн болон улсын тусгай хамгаалалтад авах, байгаль орчинд учирсан хохирлыг тооцож, буруутай этгээдээр нөхөн төлүүлэх арга хэмжээ авах, уул, уурхайн ашиглалтын үйл ажиллагаанаас хохирсон иргэдэд нөхөн төлбөр олгох, эрх ашигт хамгаалах арга хэмжээг шуурхай авч хэрэгжүүлэх;

1.4.2. Дэлгэрэх сумын нутагт байрлах Чандмань хар уулын тусгай хамгаалалтад авсан талбайн хэмжээг нэмэгдүүлэх, тус суманд хууль зөрчин явуулж буй бичил уурхайн үйл ажиллагааг зогсоох, буруутай этгээдүүдэд хариуцлага тооцох;

1.4.3. Дорноговь аймгийн Хөвсгөл сумын Хутаг уулыг орчны байгаль, түүх, соёлын дурсгалт газруудын хамт улсын тусгай хамгаалалтад авах;

1.4.4. Дорноговь аймгийн Хөвсгөл сумын нутагт байрлах Хутаг уул, Баянхонгор аймгийн Баян-Өндөр сумын нутагт байрлах Аман гол нэртэй газарт Ашигт малтмалын тухай хуулийн 40<sup>1</sup> дүгээр зүйлийн 40<sup>1.2</sup> дахь хэсэгт заасныг зөрчин явуулж буй ашигт малтмал хайх, ашиглах үйл ажиллагааг зогсоон хяналт шалгалт хийж, зохих журмын дагуу шийдвэрлэх;

Хоёр.Ашигт малтмалын тухай хуулийн 4 дүгээр зүйлийн 4.1.23, 12 дугаар зүйлийн 12.1.5, Засгийн газрын 2010 оны 308 дугаар тогтоолоор баталсан "Бичил уурхайгаар ашигт малтмал олборлох журам"-ыг ноцтой зөрчсөн Дорноговь аймгийн Дэлгэрэх сумын иргэдийн Төлөөлөгчдийн Хурлын 2014 оны 9 дүгээр сарын 24-ний өдрийн 6/02 дугаар тогтоолыг хүчингүй болгож, зөрчлийг арилгах арга хэмжээ авахыг Дорноговь аймгийн Дэлгэрэх сумын иргэдийн Төлөөлөгчдийн Хуралд чиглэл болгосугай.

Гурав.Тогтоолын биелэлтийг 2015 оны хаврын чуулганы хугацаанд багтаан зохион байгуулж, тус Байнгын хорооны хуралдаанд танилцуулахыг Монгол Улсын Засгийн газар /Ч.Сайханбилэг/-т даалгасугай.

ӨРГӨДЛИЙН БАЙНГЫН  
ХОРООНЫ ДАРГА

Р.БУРМАА



**МОНГОЛ УЛСЫН ИХ ХУРЛЫН  
БАЙНГЫН ХОРОО**

14201 Улаанбаатар хот, Сүхбаатар дүүрэг,  
Их эзэн Чингис хааны нэрэмжит талбай 1,  
Төрийн ордон, Утас: 26-70-16, Факс: 32-70-16  
E-mail: stategreatcouncil@parliament.mn  
<http://www.parliament.mn>

2015. 01. 22 № 7 / 556

таний \_\_\_\_\_ -ны № \_\_\_\_\_ -т

**Г Хууль тогтоомжийн хэрэгжилтийн тухай**

Тус Байнгын хорооны 2014 оны 12 дугаар сарын 17-ны өдрийн хуралдаанаар Дорноговь, Баянхонгор аймгийн иргэдээс Байгаль орчныг хамгаалах тухай, Тусгай хамгаалалттай газар нутгийн тухай, Соёлын өвийг хамгаалах тухай, Ашигт малтмалын тухай хуулийн зарим зүйл, заалтын хэрэгжилтийг шалгаж Байнгын хорооны 2014 оны 09 дүгээр тогтоолоор Монгол Улсын Засгийн газарт хуулийн хэрэгжилтийг хангах чиглэл өгч шийдвэрлэсэн.

Газрын тухай хуулийн 20.1.3-т зааснаар газрыг аймаг, нийслэл, сумын тусгай хэрэгцээнд авах, түүний хэмжээ, зааг, ашиглах журмыг тогтоох бүрэн эрхийг аймаг, нийслэл, сум, дүүргийн иргэдийн Төлөөлөгчдийн Хурал хэрэгжүүлэхээр заасан боловч улсын хэмжээнд орон нутгийн тусгай хэрэгцээнд авсан шийдвэр нь зөрчилтэй гэх 1738 газар байгаагаас тусгай хэрэгцээнд авах зорилго тодорхойгүй 374, шийдвэр гаргах эрхгүй байгууллага, албан тушаалтан шийдвэр гаргасан 545, тусгай хамгаалалтад авах хугацаа заагаагүй зөрчилтэй 819 шийдвэр байна.

Тусгай хэрэгцээнд авсан газарт ашигт малтмалын хайгуулын болон ашиглалтын тусгай зөвшөөрөл давхардуулан олгох, иргэд, гадаад, дотоодын хөрөнгө оруулагчдын эрх ашиг зөрчигдхөхөөс урьдчилан сэргийлэх үүднээс газрыг тусгай хэрэгцээнд авах тухай шийдвэрүүдийг хуульд нийцүүлэн шийдвэрлэж, хуулийн хугацаанд Ашигт малтмалын газарт бүртгүүлэх арга хэмжээг шуурхай зохион байгуулж, тус Байнгын хороонд эргэн мэдэгдэнэ үү.

Жич: Газар нутгийг орон нутгийн тусгай хэрэгцээнд авахдаа хэт хязгаарлагдмал хэмжээтэй тогтоож байгаа нь шаардлага хангахгүй байна.

Холбогдох материалыг хавсаргав.

Хүндэтгэсэн,

ӨРГӨДЛИЙН БАЙНГЫН  
ХОРООНЫ ДАРГА



О.БААСАНХҮҮ

0000000264